

Nr. 986

Su schwätze mir

Septemberlöffje!



■ Von Katharina Schaaf

Dä launisch Sommer es vergange -
ierscht wor ä heiß, dann nasskehl.
Himmel, dä wor oft verhange
traurisch fier die Urlaubsseel.

Die September-Sonnestrahle
mache alles widder good.
Dodren darf mer sich jetzt aale
met - on ohne Sonnehocht.

Och dat Alter notzt gemietlich
drauß die melde Temperatur.
„Junger Herbst“ dä wirkt su friedlich
off die menschliche Nadur.

Wäiße, zarte Newel zeehje
morigens iwwer Stadt on Land.
Ohne Stress gieht mer säin Weeje,
dorich dä Stadtwald Hand en Hand.

Do kann mer teef Otem schöppe
fresch es die Septemberloft.
Himm on Jäckelsche zo knöpfe
„fräie Brost“ die rächt sich oft.

„Septemberlöffje“ doht erbaue
metonner gricht mer och de „Pips.
Dä Schängel hat en Hals en raue
on gieht jetzt en de Wald met Schlips!

Katharina Schaaf, 24.9.05